



Broj: UP-1-05-04-2-261/22  
Sarajevo, 07.07.2022. godine

| Jajce Alloy Wheels |          |          |
|--------------------|----------|----------|
| Primljeno:         |          |          |
| Potpis:            | 19.07.22 |          |
| Organ. jed.        | Broj     | Broj pri |
|                    |          |          |

Na osnovu člana 8. stav (1) tačka g) i 14. stav (2) Zakona o radijacijskoj i nuklearnoj sigurnosti u Bosni i Hercegovini („Službeni glasnik BiH” broj 88/07), člana 193. stav (1) Zakona o upravnom postupku („Službeni glasnik BiH” broj 29/02, 12/04, 88/07, 93/09, 41/13 i 53/16) i člana 26. stav (1) i 44. Pravilnika o notifikaciji i autorizaciji djelatnosti sa izvorima jonizirajućeg zračenja („Službeni glasnik BiH” broj 66/10), rješavajući po zahtjevu „JAJCE ALLOY WHEELS” društvo sa ograničenom odgovornošću Jajce (u daljem tekstu: „JAJCE ALLOY WHEELS” d.o.o. Jajce), Divičani bb, Jajce, u predmetu izdavanja licence za djelatnosti posjedovanja i korištenja izvora jonizirajućeg zračenja, direktor Državne regulatorne agencije za radijacijsku i nuklearnu sigurnost donosi

### RJEŠENJE

#### o izdavanju licence za djelatnosti posjedovanja i korištenja izvora jonizirajućeg zračenja

- (1) Odobrava se „JAJCE ALLOY WHEELS” d.o.o. Jajce, Divičani bb, Jajce, obavljanje djelatnosti posjedovanja i korištenja izvora jonizirajućeg zračenja u specifičnoj djelatnosti ispitivanje bez razaranja – radiografska ispitivanja (RT) korištenjem sljedećih izvora jonizirajućeg zračenja:
  - a) Uređaj za industrijsku radiografiju i prosvjetljavanje proizvođača YXLON INTERNATIONAL GmbH model MU231-XL, serijski broj uređaja: 1154508 i serijski broj rendgen cijevi: 11344959.
  - b) Uređaj za industrijsku radiografiju i prosvjetljavanje proizvođača YXLON INTERNATIONAL GmbH model MU231-XL, serijski broj uređaja: 1119894 i serijski broj rendgen cijevi: 11344954.
  - c) Uređaj za industrijsku radiografiju i prosvjetljavanje proizvođača TWS (TEILE AND WERKZENG SERVICE) model DF 26, serijski broj rendgen cijevi: 50-5701.
- (2) Izvori jonizirajućeg zračenja iz stava (1) ovog Rješenja koristit će se u „JAJCE ALLOY WHEELS” d.o.o. Jajce na adresi Divičani bb u Jajcu.
- (3) Osoba odgovorna za zaštitu od jonizirajućeg zračenja je Dejan Šimunović, inženjer sigurnosti i zaštite.
- (4) „JAJCE ALLOY WHEELS” d.o.o. Jajce, Divičani bb, Jajce, dužan je prilikom obavljanja djelatnosti s izvorima jonizirajućeg zračenja postupati u skladu sa odredbama Zakona o radijacijskoj i nuklearnoj sigurnosti u Bosni i Hercegovini, te odredbama važećih podzakonskih akata o radijacijskoj i nuklearnoj sigurnosti.
- (5) Sastavni dio ovog Rješenja je Licenca broj: 1-1874-261/22 od 07.07.2022. godine s rokom važenja do 07.07.2025. godine.
- (6) Ovo Rješenje stupa na snagu danom dostavljanja.

### Образложение

„JAJCE ALLOY WHEELS” d.o.o. Jajce, Divičani bb, Jajce, obratio se Državnoj regulatornoj agenciji za radijacijsku i nuklearnu sigurnost sa zahtjevom, akt broj 142/22 od 10.05.2022. godine, za obnovu licence za djelatnosti posjedovanja i korištenja izvora jonizirajućeg zračenja koji su navedeni u stavu (1) ovog Rješenja. Uvidom u dostavljenu dokumentaciju i arhivu Državne regulatorne agencije za radijacijsku i nuklearnu sigurnost utvrđeno je sljedeće:

„JAJCE ALLOY WHEELS“ d.o.o. Jajce, Divičani bb, Jajce, posjedovao je licencu za djelatnosti posjedovanja i korištenja izvora jonizirajućeg zračenja broj 1-1250-088/19 od 20.06.2019. godine s rokom važenja do 20.06.2022. godine, a koja je sastavni dio Rješenja o izdavanju licence za djelatnosti posjedovanja i korištenja izvora jonizirajućeg zračenja, akt broj UP-1-05-04-2-88/19 od 20.06.2019. godine. Uz naprijed navedeno rješenje Državna regulatorna agencija za radijacijsku i nuklearnu sigurnost izdala je i Rješenje o izmjeni Rješenja broj UP-1-05-04-2-88/19 od 20.06.2019. godine, akt broj UP-1-05-04-2-499/20 od 23.10.2020. godine. Dostavljenim Aktuelnim izvodom iz sudskog registra izdatim od strane Općinskog suda u Travniku, akt broj 051-0-RegZ-22-000402 od 16.03.2022. godine, utvrđeno je da je „JAJCE ALLOY WHEELS“ d.o.o. Jajce upisan u sudski registar, pod oznakom MBS: 51-01-1059-09 (stari broj 1-9), na adresi Divičani bb u Jajcu.

Uređaji koji podliježu autorizaciji se nalaze na navedenoj adresi, što je dokumentovano ovjerenim formularom broj 2 od 10.05.2022. godine za licenciranje djelatnosti posjedovanja i korištenja izvora jonizirajućeg zračenja. Kontrola radijacijske sigurnosti uređaja koji podliježu ovoj autorizaciji izvršena je 10.09.2020 godine od strane autorizovanog tehničkog servisa JZU Zavod za javno zdravstvo FBiH (broj izvještaja S-08-02-7-1221-1/20 od 17.09.2020. godine) i tom prilikom utvrđeno je da uređaji zadovoljavaju zakonske propise.

„JAJCE ALLOY WHEELS“ d.o.o. Jajce, Divičani bb, Jajce, dostavio je Zahtjev za certifikaciju kandidata za lice odgovorno za zaštitu od zračenja, akt od 10.05.2022. godine, i Rješenje, akt broj 021/2019 od 06.02.2019. godine, kojima se za osobu odgovornu za zaštitu od zračenja imenuje Dejan Šimunović, inženjer sigurnosti i zaštite. S obzirom da navedena osoba ne boravi u zoni zračenja već obavlja poslove u laboratoriji i zaštitu na radu, uz zahtjev su priloženi sljedeći dokumenti: Diploma o završetku specijalističkog diplomskog stručnog studija sigurnosti, akt broj 251-376-02-14-16 od 28.02.2014. godine, izdata od strane Visoke škole za sigurnost u Zagrebu; Uvjerenje o pohađanom kursu po modulu Zaštita od zračenja za rukovodioce nosilaca autorizacije za obavljanje djelatnosti sa izvorima zračenja, akt broj 1.6-3269-2/18 od 09.03.2018. godine, i Uvjerenje o završenom kursu po modulu Zaštita od zračenja za lica odgovorna za zaštitu od zračenja u nemedicinskim djelatnostima – Korištenje zatvorenih izvora jonizirajućeg zračenja i RTG uređaja u industriji, akt broj 1.2-3269-9/19 od 04.03.2019. godine, izdata od Državne regulatorne agencije za radijacijsku i nuklearnu sigurnost.

Nadalje, „JAJCE ALLOY WHEELS“ d.o.o. Jajce, Divičani bb, Jajce, dostavila je Izjavu, akt broj 143/2022 od 10.05.2022. godine, kojom se obavezala da će postupati u skladu sa Zakonom o radijacijskoj i nuklearnoj sigurnosti u Bosni i Hercegovini, kao i odredbama važećih podzakonskih akata o radijacijskoj i nuklearnoj sigurnosti. Također, dostavljen je i revidiran Program za zaštitu od zračenja od maja 2022. godine.

Uvidom u dostavljenu dokumentaciju, utvrđeno je da su ispunjeni propisani uslovi za obavljanje djelatnosti posjedovanja i korištenja izvora jonizirajućeg zračenja u specifičnoj djelatnosti ispitivanje bez razaranja – radiografsko ispitivanje (RT), kao i da su zadovoljene mjere zaštite od zračenja, te da je Program za zaštitu od zračenja sačinjen u skladu sa zahtjevima radijacijske sigurnosti koje propisuje Državna regulatorna agencija za radijacijsku i nuklearnu sigurnost. Stoga je riješeno kao u dispozitivu ovog Rješenja.

Prema Odluci o vremenskom periodu na koji se izdaju autorizacije broj 04-02-2-231/21 od 10.02.2021. godine, koju je donio direktor Državne regulatorne agencije za radijacijsku i nuklearnu sigurnost, Licenca iz stava (5) ovog Rješenja ima rok važenja tri godine od dana izdavanja ovog Rješenja.

**Pouka o pravnom lijeku:** Protiv ovog Rješenja može se izjaviti žalba Žalbenom vijeću pri Vijeću ministara Bosne i Hercegovine u roku od 15 dana od dana prijema Rješenja.

**Taksa** za autorizaciju u iznosu od 1.100 KM je naplaćena po tarifnom broju 106 iz Odluke o iznosu taksi za autorizacije koje izdaje Državna regulatorna agencija za radijacijsku i nuklearnu sigurnost („Službeni glasnik BiH“ broj 77/10).



**DOSTAVLJENO:**

1. „JAJCE ALLOY WHEELS“ d.o.o. Jajce,  
Divičani bb, 70 101 Jajce;
2. a/a.